

## ❁ दुर्गासूक्तम् ❁

ॐ जा॒तवे॑दसे सु॒नवाम् सोम॑ मरा॒तीय॒तो नि॒दहा॑ति वे॒दः ।  
स नः॑ पर्ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रिता॑ऽत्य॒ग्निः ॥ १॥  
ताम॒ग्निव॑र्णां तप॒सा ज्वल॑न्तीं वैरोच॒नीं क॑र्मफ॒लेषु॑ जुष्टा॒म् ।  
दु॒र्गा दे॒वीः शरण॑म॒हं प्रप॑द्ये सु॒तर॑सि तर॒से नमः॑ ॥ २॥  
अ॒ग्ने त्वं पा॑रया॒ नव्यो॑ अ॒स्मान्स्व॒स्तिभि॑रति दु॒र्गाणि॑ वि॒श्वा ।  
पू॒श्च पृ॒थ्वी बहु॑ला न उ॒र्वी भवा॑ तो॒काय॑ तनयाय॒ शंयोः॑ ॥ ३॥  
वि॒श्वा॒नि नो दु॒र्गहा॑ जा॒तवे॑दः सि॒न्धुन्न॑ ना॒वा दु॒रिता॑ऽतिपर्षि ।  
अ॒ग्ने अ॒त्रि॒वन्मन॑सा गृणा॒नोऽस्माकं॑ बो॒ध्यवि॒ता त॒नूना॑म् ॥ ४॥  
पृ॒त॒ना जि॒तः सह॑मानमु॒ग्रम॒ग्निः हु॒वेम॑ पर॒मात्स॒धस्था॑त् ।  
स नः॑ पर्ष॒दति॑ दु॒र्गाणि॑ वि॒श्वा क्षाम॑द्दे॒वो अति॑ दु॒रिता॑ऽत्य॒ग्निः ॥ ५॥  
प्र॒त्नोषि॑ क॒मीड्यो॑ अध्व॒रेषु॑ स॒नाद्य॑ हो॒ता नव्य॑श्च स॒त्सि ।  
स्वा॒ञ्चा॒ग्ने त॒नुवं॑ पि॒प्रय॑स्वा॒स्मभ्यं॑ च सौ॒भग॑माय॒जस्व ॥ ६॥  
गो॒भिर्जु॑ष्टम॒युजो॑ निषि॒क्तन्त॑वेन्द्र वि॒ष्णोरनु॑संचरेम ।  
नाक॑स्य पृ॒ष्ठम॒भि सं॒वसानो॑ वैष्ण॒वीं लो॒क इ॒ह मा॑दयन्ताम् ॥ ७॥  
ॐ का॒त्याय॑नाय॒ विद्महे॑ कन्यकु॒मारि॑ धीमहि । तन्नो॑ दु॒र्गिः प्र॒चोद॑यात् ॥  
ॐ शान्तिः॑ शान्तिः॑ शान्तिः॑ ॥

